

UPUTSTVO ZA PACIJENTA

▲ HALOPERIDOL KRKA DEPO 50 mg/ml otopina za injekciju *haloperidol*

Prije uzimanja lijeka pažljivo pročitajte uputstvo o lijeku
Čuvajte ovo uputstvo o lijeku jer Vam može ponovo zaterebati.
Ako imate dodatnih pitanja upitajte svog ljekara ili farmaceuta.
Ovaj lijek je propisan Vama lično i ne smijete ga davati drugima jer im može štetiti čak i ako imaju simptome jednake Vašima.
Ako primijetite bilo koju nuspojavu, potrebno je obavijestiti ljekara ili farmaceuta. To uključuje i svaku moguću nuspojavu koja nije navedena u ovom uputstvu.

Uputstvo o lijeku sadrži sljedeće podatke:

1. Šta je Haloperidol Krka depo i za šta se koristi?
2. Prije nego počnete uzimati Haloperidol Krka depo?
3. Kako uzimati Haloperidol Krka depo?
4. Moguće nuspojave
5. Kako čuvati Haloperidol Krka depo?
6. Dodatne informacije

1. ŠTA JE LIJEK HALOPERIDOL KRKA DEPO I ZA ŠTA SE KORISTI?

Ovaj se lijek zove Haloperidol Krka depo.

Haloperidol Krka depo sadrži aktivnu supstancu haloperidol (u obliku haloperidoldekanoata). On pripada skupini lijekova koji se zovu 'antipsihotici'.

Haloperidol Krka depo se koristi u odraslih osoba čije se stanje prethodno liječilo haloperidolom za primjenu kroz usta. Koristi se za bolesti koje utiču na to na koji način razmišljate, kako se osjećate ili ponašate. To uključuje psihičke tegobe (kao što je shizofrenija). Zbog tih bolesti:

- možete se osjećati smeteno (delirij)
- možete vidjeti, čuti, osjećati ili namirisati stvari kojih nema (halucinacije)
- možete vjerovati u stvari koje nisu stvarne (deluzije)
- možete biti neuobičajeno sumnjičavi (paranoja)
- možete biti vrlo uzbuđeni, uznemireni, entuzijastični, impulzivni ili hiperaktivni
- možete biti vrlo agresivni, neprijateljski nastrojeni ili nasilni.

2. PRIJE NEGO POČNETE UZIMATI HALOPERIDOL KRKA DEPO

Lijek Haloperidol Krka depo ne smijete primati:

- ako ste alergični na haloperidol ili neki drugi sastojak ovog lijeka (naveden u dijelu 6.)
- ako ste manje svjesni stvari koje Vas okružuju ili su Vam reakcije postale neobično spore
- ako imate Parkinsonovu bolest
- ako imate jednu vrstu demencije koja se zove 'demencija s Lewyjevim tjelešacima'
- ako imate progresivnu supranuklearnu paralizu (PSP)
- ako imate srčanu bolest koja se zove 'produljen QT interval' ili bilo koji drugi problem sa srčanim ritmom koji se vidi kao odstupanje na elektrokardiogramu (EKG)
- ako bolujete od zatajivanja srca ili ste nedavno pretrpjeli srčani udar
- ako imate nisku razinu kalija u krvi, koja se ne liječi
- ako uzimate bilo koji od lijekova navedenih u odlomku 'Drugi lijekovi i Haloperidol Krka depo - Nemojte uzimati Haloperidol Krka depo ako uzimate određene lijekove za:':.

Ne smijete primiti ovaj lijek ako se nešto od navedenoga odnosi na Vas. Ako niste sigurni, razgovarajte s ljekarom, farmaceutom ili medicinskom sestrom prije nego primite Haloperidol Krka depo.

Upozorenja i mjere opreza

Ozbiljne nuspojave

Haloperidol Krka depo može uzrokovati srčane tegobe, poteškoće s kontroliranjem kretanja tijela ili udova te ozbiljnu nuspojavu koja se zove 'neuroleptički maligni sindrom'. Također može izazvati teške alergijske reakcije i krvne ugruške. Morate biti svjesni ozbiljnih nuspojava tokom liječenja lijekom Haloperidol Krka depo jer će Vam možda biti potrebno hitno liječenje. Pogledajte odlomak 'Pripazite na ozbiljne nuspojave' u dijelu 4.

Starije osobe i osobe s demencijom

U starijih osoba s demencijom koje se liječe antipsihoticima prijavljeno je malo povećanje broja smrtnih slučajeva i moždanih udara. Razgovarajte sa svojim ljekarom prije nego primite Haloperidol Krka depo ako ste starija osoba, osobito ako bolujete od demencije.

Razgovarajte sa svojim ljekarom:

- ako imate usporene otkucaje srca ili srčanu bolest ili ako je netko u Vašoj užoj obitelji iznenada umro od srčanih tegoba
- ako imate nizak krvni pritisak ili osjećate omaglicu pri ustajanju u sjedeći ili stajući položaj
- ako imate nisku razinu kalija ili magnezija (ili nekog drugog 'elektrolita') u krvi; Vaš će ljekar odlučiti kako to liječiti
- ako ste ikada imali krvarenje u mozgu ili ako Vam je ljekar rekao da ste skloniji moždanom udaru nego drugi ljudi
- ako bolujete od epilepsije ili ste nekada imali napadaje (konvulzije)
- ako imate tegoba s bubrežima, jetrom ili štitnjačom
- ako imate visoku razinu hormona koji se zove 'prolaktin' u krvi ili ako bolujete od raka koji bi mogao biti uzrokovan visokim razinama prolaktina (poput raka dojke)
- ako Vi ili netko u Vašoj obitelji imate ili ste imali krvne ugruške
- ako bolujete od depresije.

Možda će Vas trebati pažljivije pratiti i prilagoditi količinu lijeka Haloperidol Krka depo koju primete.

Ako niste sigurni odnosi li se nešto od gore navedenoga na Vas, razgovarajte sa svojim ljekarom ili medicinskom sestrom prije nego što primite Haloperidol Krka depo.

Ljekarske kontrole

Vaš će ljekar možda htjeti napraviti elektrokardiogram (EKG) prije ili tokom liječenja lijekom Haloperidol Krka depo. EKG mjeri električnu aktivnost srca.

Krvne pretrage

Vaš će ljekar možda htjeti provjeriti razine kalija ili magnezija (ili nekog drugog 'elektrolita') u krvi prije ili tokom liječenja lijekom Haloperidol Krka depo.

Djeca i adolescenti

Haloperidol Krka depo ne smije se koristiti u djece i adolescenata mlađih od 18 godina. Naime, njegova primjena nije ispitana u tim dobnim skupinama.

Drugi lijekovi i Haloperidol Krka depo

Obavijestite svog ljekara, farmaceuta ili medicinsku sestru ako uzimate, nedavno ste uzeli ili biste mogli uzeti bilo koje druge lijekove.

Nemojte primiti Haloperidol Krka depo ako uzimate određene lijekove za:

- tegobe s otkucajima srca (kao što su amiodaron, dofetilid, dizopiramid, dronedaron, ibutilid, kinidin i sotalol)
- depresiju (kao što su citalopram i escitalopram)
- psihoze (kao što su flufenazin, levomepromazin, perfenazin, pimozid, proklorperazin, promazin, sertindol, tiorizadin, trifluoperazin, triflupromazin i ziprazidon)
- bakterijske infekcije (kao što su azitromicin, klaritromicin, eritromicin, levofloksacin, moksifloksacin i telitromicin)
- gljivične infekcije (kao što je pentamidin)
- malariju (kao što je halofantrin)
- mučninu i povraćanje (kao što je dolazetron)

- rak (kao što su toremifen i vandetanib).

Obavijestite svog ljekara i ako uzimate bepridil (za bol u prsnom košu ili snižavanje krvnog tlaka) ili metadon (za ublažavanje bolova ili liječenje ovisnosti o drogi).

Budući da ti lijekovi mogu povećati vjerojatnost razvoja srčanih tegoba, razgovarajte sa svojim ljekarom ako uzimate bilo koji od njih i nemojte primiti Haloperidol Krka depo (pogledajte 'Nemojte primiti Haloperidol Krka depo').

Možda će Vas trebati posebno pratiti ako istovremeno primjenjujete litij i Haloperidol Krka depo.

Odmah obavijestite svog ljekara i prestanite primjenjivati oba lijeka ako se pojavi:

- vrućica koju ne možete objasniti ili kretnje koje ne možete kontrolirati
- smetenost, dezorijentiranost, glavobolja, poteškoće s ravnotežom i pospanost.

To su znakovi ozbiljnog stanja.

Određeni lijekovi mogu uticati na način na koji Haloperidol Krka depo djeluje ili povećati vjerojatnost razvoja srčanih tegoba

Obavijestite svog ljekara ako uzimate:

- alprazolam ili buspiron (za tjeskobu)
- duloksetin, fluoksetin, fluvoksamin, nefazodon, paroksetin, sertralin, gospinu travu (*Hypericum perforatum*) ili venlafaksin (za depresiju)
- bupropion (za depresiju ili za pomoć pri prestanku pušenja)
- karbamazepin, fenobarbital ili fenitoin (za epilepsiju)
- rifampicin (za bakterijske infekcije)
- itrakonazol, posakonazol ili vorikonazol (za gljivične infekcije)
- tablete ketokonazola (za liječenje Cushingova sindroma)
- indinavir, ritonavir ili sakvinavir (za virus humane imunodeficijencije ili HIV)
- klorpromazin ili prometazin (za mučninu i povraćanje)
- verapamil (za krvni tlak ili srčane tegobe).

Obavijestite svog ljekara i ako uzimate bilo koje druge lijekove za snižavanje krvnog pritiska, kao što su tablete za izmokravanje (diuretici).

Ako uzimate neki od navedenih lijekova, Vaš će ljekar možda morati promijeniti dozu lijeka Haloperidol Krka depo.

Haloperidol Krka depo može uticati na način djelovanja sljedećih lijekova

Obavijestite svog ljekara ako uzimate lijekove za:

- smirivanje ili spavanje (trankvilizatore)
- bol (jake analgetike)
- depresiju ('tricikličke antidepressive')
- snižavanje krvnog pritiska (kao što su gvanetidin i metildopa)
- teške alergijske reakcije (adrenalin)
- poremećaj hiperaktivnosti i deficita pažnje (engl. *attention deficit/hyperactivity disorder*, ADHD) ili narkolepsiju (poznati kao 'stimulansi')
- Parkinsonovu bolest (kao što je levodopa)
- razrjeđivanje krvi (fenindion).

Ako uzimate bilo koji od tih lijekova, razgovarajte sa svojim ljekarom ili medicinskom sestrom prije nego primite Haloperidol Krka depo.

Haloperidol Krka depo i alkohol

Konzumacija alkohola tokom liječenja lijekom Haloperidol Krka depo može Vas učiniti pospanima i manje pozornima. To znači da morate paziti na količinu alkohola koju unosite. Razgovarajte sa svojim ljekarom o konzumaciji alkohola tokom liječenja lijekom Haloperidol Krka depo i recite mu koliko alkohola pijete.

Trudnoća, dojenje i plodnost

Trudnoća - ako ste trudni, mislite da biste mogli biti trudni ili planirate trudnoću, obratite se Vašem ljekarom za savjet. Ljekar će Vam možda savjetovati da ne primete Haloperidol Krka depo dok ste trudni.

U novorođenčadi majki koje primaju Haloperidol Krka depo tokom posljednja 3 mjeseca trudnoće (posljednjeg tromjesečja) mogu se javiti sljedeće tegobe:

- nevoljno drhtanje mišića, ukočenost ili slabost mišića

- pospanost ili uznemirenost
- poteškoće s disanjem ili hranjenjem.

Točna učestalost tih tegoba nije poznata. Ako ste primali Haloperidol Krka depo tokom trudnoće i kod Vašeg se djeteta pojavi bilo koja od tih nuspojava, obratite se svom ljekaru.

Dojenje - obratite se svom ljekaru ako dojite ili planirate dojiti. Naime, male količine lijeka mogu se izlučiti u majčino mlijeko i tako prijeći na dijete. Ljekar će razgovarati s Vama o rizicima i koristima dojenja tokom liječenja lijekom Haloperidol Krka depo.

Plodnost - Haloperidol Krka depo može povisiti razine hormona koji se zove 'prolaktin', što može utjecati na plodnost u muškaraca i žena. Ako imate bilo kakvih pitanja o tome, obratite se svom liječniku.

Uticaj na sposobnost upravljanja vozilima i mašinama

Haloperidol Krka depo može uticati na Vašu sposobnost upravljanja vozilima te rukovanja alatima ili rada sa mašinama. Nuspojave poput pospanosti mogu Vas učiniti manje pozornima, osobito kada tek počnete primati lijek ili nakon velike doze. Nemojte upravljati vozilom niti rukovati alatima ili raditi sa mašinama bez prethodnog razgovora sa svojim ljekarom.

Važne informacije o nekim sastojcima lijeka Haldola depo

Jedan ml otopine (1 ampula) lijeka Haldola depo sadržava 15 mg benzilnog alkohola. Ne smijemo ga davati nedonoščadi ili novorođenčadi. Kod dojenčadi i djece u dobi do 3 godine može uzrokovati toksične i alergijske reakcije.

Ulje sezama može rijetko uzrokovati ozbiljne alergijske reakcije.

3. KAKO UZIMATI HALOPERIDOL KRKA DEPO?

Koliko ćete lijeka primiti

Ljekar će odlučiti koliko lijeka Haloperidol Krka depo Vam je potrebno i koliko dugo ga trebate primati. Ljekar će prilagoditi dozu tako da odgovara Vama, a možda će Vam dati i jedan oblik haloperidola koji se uzima kroz usta. Doza haloperidola ovisit će o:

- Vašoj dobi
- tome imate li tegoba s bubrezima i jetrom
- Vašoj reakciji na prethodno liječenje haloperidolom
- drugim lijekovima koje uzimate.

Odrasli

- Uobičajena početna doza je između 25 mg i 150 mg.
- Ljekar će možda prilagođavati dozu za najviše 50 mg svake 4 sedmice kako bi utvrdio dozu koja Vam najbolje odgovara (obično između 50 mg i 200 mg svake 4 sedmice).
- Nećete primiti više od 300 mg svake 4 sedmice.

Starije osobe

- Liječenje starijih osoba obično započinje nižom dozom, najčešće od 12,5 do 25 mg svake 4 sedmice.
- Ljekar će možda prilagođavati dozu dok ne pronađe onu koja Vam najbolje odgovara (obično između 25 mg i 75 mg svake 4 sedmice).
- Doza viša od 75 mg svake 4 sedmice primijenit će Vam se samo ako Vaš ljekar odluči da je to sigurno.

Kako se Haloperidol Krka depo primjenjuje

Haloperidol Krka depo će Vam dati ljekar ili medicinska sestra. Namijenjen je za intramuskularnu primjenu, što znači da se daje injekcijom duboko u mišić. Jedna doza lijeka Haloperidol Krka depo obično traje 4 sedmice. Haloperidol Krka depo ne smije se injicirati u venu.

Ako primite više lijeka Haloperidol Krka depo nego što ste trebali

Budući da će Vam ovaj lijek dati ljekar ili medicinska sestra, malo je vjerojatno da ćete primiti previše lijeka. Ako ste zabrinuti, obratite se ljekaru ili medicinskoj sestri.

Ako propustite dozu ili prestanete koristiti Haloperidol Krka depo

Ne biste trebali prestati s ovim lijekom osim ako Vam to ne kaže Vaš ljekar budući da Vam se mogu vratiti simptomi. Ako propustite zakazani pregled, odmah se javite ljekaru kako biste dogovorili novi.

Ako imate bilo kakvih pitanja u vezi s primjenom ovog lijeka, obratite se Vašem ljekaru ili medicinskoj sestri.

4. MOGUĆE NUSPOJAVE

Kao svi drugi lijekovi i lijek Haloperidol Krka depo može izazvati nuspojave, koje se ne pojavljuju kod svih bolesnika.

Pripazite na ozbiljne nuspojave

Odmah obavijestite svog ljekaru ili medicinsku sestru ako primijetite ili posumnjate na bilo što od sljedećega. Možda će Vam biti potrebno hitno liječenje.

Srčane tegobe:

- nepravilan srčani ritam - on onemogućuje normalan rad srca i može dovesti do gubitka svijesti
- prekomjerno brzi otkucaji srca
- dodatni otkucaji srca.

Srčane tegobe nisu česte kod osoba koje primaju Haloperidol Krka depo (mogu se javiti u manje od 1 na 100 osoba). U bolesnika koji su primali ovaj lijek zabilježeni su slučajevi iznenadne smrti, ali je njihova točna učestalost nepoznata. U bolesnika liječenih antipsihoticima zabilježeni su i slučajevi srčanog zastoja (stanja kod kojega srce prestane kucati).

Ozbiljna tegoba koja se zove 'neuroleptički maligni sindrom'. Ona uzrokuje visoku vrućicu, izraženu mišićnu ukočenost, smetenost i gubitak svijesti. Točna učestalost te nuspojave u osoba koje primaju Haloperidol Krka depo nije poznata.

Poteškoće s kontroliranjem kretnji tijela ili udova (ekstrapiramidni poremećaj), kao što su:

- pokreti usta, jezika, čeljusti i ponekad udova (tardivna diskinezija)
- osjećaj nemira ili nemogućnost mirnog sjedenja, povećan broj tjelesnih kretnji
- usporene ili smanjene kretnje tijela, trzajući ili svijajući pokreti
- nevoljno drhtanje ili ukočenost mišića, vučenje nogu
- nemogućnost pokreta
- izostanak normalne izražajnosti lica, koje ponekad izgleda poput maske.

Ove su tegobe vrlo česte u osoba koje primaju Haloperidol Krka depo (mogu se javiti u više od 1 na 10 osoba). Ako se pojavi bilo koja od tih nuspojava, možda ćete dobiti još jedan lijek.

Teška alergijska reakcija, koja može uključivati:

- oticanje lica, usana, usta, jezika ili grla
- otežano gutanje ili disanje
- osip koji svrbi (koprivnjača).

Točna učestalost alergijske reakcije u osoba koje primaju Haloperidol Krka depo nije poznata.

Krvni ugrušci u venama, obično nogu (duboka venska tromboza ili DVT). Oni su prijavljeni u osoba koje su uzimale antipsihotike. Znakovi DVT-a u nozi uključuju oticanje, bol i crvenilo noge, ali ugrušak može otići u pluća te uzrokovati bol u prsnoj koži i otežano disanje. Krvni ugrušci mogu biti vrlo ozbiljni, pa stoga odmah obavijestite svog liječnika ako primijetite bilo koju od tih tegoba.

Odmah obavijestite ljekara ako primijetite bilo koju od gore navedenih ozbiljnih nuspojava.

Ostale nuspojave

Odmah obavijestite svog ljekara ako primijetite ili posumnjate na bilo koju od sljedećih nuspojava.

Česte (mogu se javiti u manje od 1 na 10 osoba):

- depresija
- poteškoće sa spavanjem ili pospanost
- zatvor
- suha usta ili pojačano stvaranje sline

- poteškoće sa spolnim odnosom
- nadraženost, bol ili nakupljanje gnoja (apsces) na mjestu primjene injekcije
- povećanje tjelesne težine.

Manje česte (mogu se javiti u manje od 1 na 100 osoba):

- neuobičajena napetost mišića
- glavobolja
- zakretanje očnih jabučica prema gore ili brze kretanje oka koje ne možete kontrolirati
- vidne tegobe, poput zamagljena vida.

Prijavljene su i sljedeće nuspojave, ali je njihova točna učestalost nepoznata:

- ozbiljna psihička tegoba, poput vjerovanja u stvari koje nisu istinite (deluzije) ili stanja kod kojeg vidite, osjećate, čujete ili možete namirisati stvari kojih nema (halucinacije)
- uznemirenost ili smetenost
- napadaji
- omaglica, uključujući pri ustajanju u sjedeći ili stajajući položaj
- nizak krvni pritisak
- tegobe koje bi mogle otežati disanje, kao što su:
 - o oticanje oko grkljana ili kratkotrajno grčenje glasnica koje utječe na govor
 - o suženje dišnih putova u plućima
 - o nedostatak zraka
- mučnina, povraćanje
- promjene u krvi, kao što su:
 - o učinci na krvne stanice - nizak broj svih vrsta krvnih stanica, uključujući znatan pad broja bijelih krvnih stanica i nizak broj krvnih pločica (stanica koje pomažu u zgrušavanju krvi)
 - o visoka razina određenih hormona - 'prolaktina' i 'antidiuretskog hormona' - u krvi (sindrom neodgovarajućeg lučenja antidiuretskog hormona)
 - o niska razina šećera u krvi
- promjene koje su vidljive u nalazima krvnih pretraga kojima se kontrolira rad jetre i druge jetrene tegobe, kao što su:
 - o žuta boja kože ili očiju (žutica)
 - o upala jetre
 - o iznenadno zatajenje jetre
- smanjen protok žuči u žučovodu
- kožne tegobe, kao što su:
 - o osip ili svrbež
 - o pojačana osjetljivost kože na sunčevu svjetlost
 - o perutanje ili ljuštenje kože
 - o upala malih krvnih žila, koja može uzrokovati kožni osip praćen malim crvenim ili ljubičastim kvržicama
- prekomjerno znojenje
- razgradnja mišićnog tkiva (rabdomioliza)
- grčenje, trzanje ili stezanje mišića koje ne možete kontrolirati, uključujući grč u vratu zbog kojeg se glava okreće u jednu stranu
- otežano otvaranje usta ili nemogućnost njihova otvaranja
- ukočeni mišići i zglobovi
- nemogućnost mokrenja ili potpunog pražnjenja mokraćnog mjehura
- dugotrajna i bolna erekcija penisa
- otežano postizanje i održavanje erekcije (impotencija)
- gubitak spolnog nagona ili smanjen spolni nagon
- promjene menstrualnog ciklusa (mjesečnice), poput izostanka mjesečnice ili dugotrajnih, obilnih i bolnih mjesečnica
- tegobe s dojkama, kao što su:
 - o bol ili nelagoda
 - o neočekivano stvaranje mlijeka
 - o rast dojki u muškaraca
- oticanje uzrokovano nakupljanjem tekućine u tijelu
- visoka ili niska tjelesna temperatura
- poteškoće s hodanjem
- smanjenje tjelesne težine.

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavjestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. KAKO ČUVATI HALOPERIDOL KRKA DEPO?

Lijek čuvajte izvan dohvata i pogleda djece!

Čuvajte na temperaturi do 25 °C, zaštićeno od svjetla.

Rok trajanja lijeka je 5 godina od datuma proizvodnje.

Lijek Haloperidol Krka depo ne smijete upotrebljavati nakon isteka roka trajanja koji je naveden na ambalaži. Datum isteka roka trajanja odnosi se na zadnji dan navedenog mjeseca.

Lijek ne smijete baciti u otpadne vode ili među kućni otpad. O načinu uklanjanja lijeka koji više ne trebate, posavjetujte se s farmaceutom. Takvi postupci pomažu čuvati okoliš.

6. DODATNE INFORMACIJE

Šta sadrži lijek Haloperidol Krka depo?

- Aktivna supstanca je haloperidol. Jedan ml otopine za injekciju (1 ampula) sadržava 50 mg haloperidola u obliku 70,52 mg haloperidildekanoata.
- Pomoćne supstance su benzilni alkohol i rafinirano ulje sezama.

Izgled lijeka Haldola depo i sadržaj pakiranja

Otopina za injekciju je lagano žućkasto-smeđa, lagano viskozna otopina.

Na raspolaganju su kutije s 5 ampula po 1 ml otopine za injekciju.

Režim izdavanja lijeka

Lijek se primjenjuje u zdravstvenoj ustanovi sekundarnog ili tercijarnog nivoa.

Proizvođač

Krka, d.d. Novo mesto

Šmarješka cesta 6,

8501 Novo mesto, Slovenija

Proizvođač gotovog lijeka

Krka, d.d. Novo mesto

Šmarješka cesta 6,

8501 Novo mesto, Slovenija

Nosilac dozvole za stavljanje lijeka u promet

KRKA FARMA d.o.o., Sarajevo,

Džemala Bijedića 125A, Sarejevo, BiH

Broj i datum rješenja o dozvoli za stavljanje gotovog lijeka u promet

Haloperidol Krka depo, 50 mg/ml otopina za injekciju: 04-07.3-2-1998/21 od 25.02.2022.

Sljedeće informacije namijenjene su samo zdravstvenom osoblju:

Inkompatibilnost

Otopina za injekciju Haloperidol Krka depo nije kompatibilna s drugim otopinama za injekciju.

**Odobreno
ALMBIH
25.2.2022.**